


陳修園醫學十六種



共四十冊



陳修園先生十六種

本草讀經全



閩陳脩園先生著

公餘十六種
學全書

善成堂重鐫



閩陳脩園著

本草經讀

檀蔭書屋重鐫



北京中醫藥大學圖書館版權所有

初臨重慶好候已此可惡可報極矣



神農本草經讀序

陳修園老友精於岐黃之術自負長沙後身世醫環而細
笑之及遇危症輒斷梃橫萬手齊束修園往脫冠屣上探
手舉脈目霍霍上聳良久乾笑曰侯本不奇治之者擾之
耳主人曰某名醫曰悞矣曰法本朱 王李曰更快矣天

下豈有朱張王李而能愈疾者乎口吃訖然罵手佐佐然
書方具則又自批自贊自解自起調刀圭火齊促服之服
之如其言嘗以李時珍綱目爲謏陋著有神農本草經註
六卷其言簡其旨諒其義奇而不軌於正其鈎深索隱也

元之又元如李將軍之畫不肯使一直筆其更闢奧啟也
仍復明白垣易如白香山詩句雖竈下老嫗亦可與之講
解不可解而後解及其解之了不異人也可謂金心在中
銀手如斷矣出山後歛抑才華每診一病必半日許纔出
一方有難之者其言訥訥然如不能出壬戌冬回籍讀禮
閉門謝客復取舊著六卷中遴其切用者一百餘種附以
別錄分爲四卷俱從所以然處發揮人舊著頗異名曰本
草經讀盡欲讀經者讀於無字處也修園爲余言所著尙
有傷寒論注四卷重訂柯注傷寒論八卷重訂活人百問

八卷金匱淺註十六卷醫醫偶錄二卷醫學從衆錄八卷
眞方歌括二卷景岳新方砭四卷傷寒論讀四卷金匱讀
四卷醫約二卷醫訣三卷雖依類立言義各有取要其闡
抉古經之旨多與此書相發明假日余將遍讀焉

嘉慶八年歲次昭陽大淵獻皋月旣望候官愚弟蔣慶齡

小榕氏序

凡例

一明藥性者始自神農而便尹配合而爲湯液仲景傷寒金匱之方卽其遺書也闡陰陽之秘洩天地之藏所以效如桴鼓今人不敢用者緣唐宋以後諸家之臆說盛行全違聖訓查對與經方所用之藥不合始疑之終且毀之也

一神農本草藥止三百六十品字字精確遵法用之其效如神自陶宏景以後藥味日多而聖經日晦矣張潔古李東垣輩分經專派徐之才相須相使相惡相反等法

皆小家伎倆不足言也是刻只錄一百餘種其餘不常用與不可得之品闕之其注解俱遵原文逐字疏證經中不遺一字經外不溢一辭

是刻足錄時用之藥其品第及字樣不盡遵舊本仍陶隱居本草有朱書墨書之別朱書爲神農本草經墨書爲名醫別錄開寶間重定印本易朱書爲白字茲因其近古而遵之○是刻遵古分去中下三品別錄等本採附於後

一藥性始於神農用藥者不讀本草經如士子進場作制

藝不知題目出於四子書也渠輩亦云藥性大抵係珍珠囊藥性賦本草備要及李時珍本草綱目之類雜收眾說經旨反爲其所掩尙可云本草耶

近傳本草崇原越之張隱菴著也本草經解吳之葉天士著也二書超出諸羣書之上然隱菴專言運氣其立論多失於蹈虛天士固於時好其立論多失於膚淺而隱菴間有精實處天士問有超脫處則修園謝不敏矣故茲刻多附二家之註

一上古以司歲備物謂得天地之專精如君相二火司歲

則收取薑桂附子之熱類如太陽寒水司歲則收取黃
芩大黃之寒類如太陰上氣司歲則收取芪朮參苓山
藥黃精之土類如厥陰風木司歲則收取羌活防風天
麻鉤藤之風類如陽明燥金司歲則收取蒼朮桑白皮
夏之燥類蓋得至歲之氣以助之則物之功力倍厚中
古之世不能司歲備物故用炮製以代天地之氣如製
附子曰炮助其熱也製蒼朮曰炒助其燥也製黃連以
水浸助其寒也今人識見不及每用相反之藥而反制
之何異束縛手足而使之戰鬪哉侶山堂之說最精故

節錄之○按製藥始於雷公炮製荒謬難以悉舉要知
此人名數宋時人非黃帝時之雷公也

熟地黃枸杞取其潤也市醫炒鬆則上浮燒灰則枯燥
矣附子乾薑取其烈也市醫泡淡則力薄泡黑則氣浮
矣以及竹瀝鹽鹹枳實之類皆庸醫兩可之見不足責
也至於棗仁生則令人不服熟利令人熟睡黃芪生用
則托裏發汗炒熟則補中止汗麥門冬不去心令人煩
燥桑白皮不炒大瀉肺氣之類數百年相沿之陋不得
不急正之



本經每藥主治不過三四證及六七證而止古聖人洞悉所以然之妙而得其專長非若後世諸書之泛泛也最陋是李時珍綱目泛引雜說而無當李士材汪詒菴每味必摘其所短俱是臆說反或時輩聚訟紛紛終圖爲活人計不得不痛斥之

一神農嘗草而作本草經實無可考其爲開天明道之聖人所傳張仲景華元化起而述之陶隱居之說不誣也漢時去古未遠二公爲醫中之傑遵所聞而記之謂非神農所著可也謂爲神農所著亦可也

每藥注解必透發出所以然之妙求與內經難經仲聖
等書字字吻合而後快古云翠言殺亂衷於聖願同
者取法乎」



後叙

上古聖人仰觀天之六氣俯察地之五行辯草木金石禽獸之性而合於人之五藏六府十二經脈著爲本草經詞古義深難於窺測漢季張長沙傷寒論金匱要畧多採中古遺方用藥之義悉遵本經應驗如響自李唐而後千金外臺等書有驗有不驗者蓋與本經之旨有合有不合也沿及宋元諸家師心自用藥品日增經義日厭只云某藥治某病某病宜某藥因陋就簡愈趨愈下而流毒之最甚者莫如宋之雷斅竊古聖之名著爲炮製顛倒是非不知

本經爲何物潔古曰華東垣輩因之而東垣純盜虛名經
稽臆說流傳至今無有非之者李頻湖綱目卷帙浩繁經
雜採世俗之說以多爲貴不無喧客奪主之嫌汪叔名
綱目而約爲備要逐末忘本不足道也余友孝廉陳修園
精通醫學起死回生指不勝屈前著有本草經註六卷寧
櫛句解不遺剩義繕本出紙貴一時茲復著本草經讀四
卷視前著又高一格俱從所以然處發揮且以內經之旨
金匱傷寒之法融貫於中一書堪爲醫林之至書洵神農
之功臣也余自髫年以慈闈多病矢志於醫因本草向無



中醫藥大學圖書館